

### 3. POZIV ZA DOSTAVU PROJEKTNIH IDEJA

#### PITANJA I ODGOVORI

(odgovori na pitanja dostavljena do 05.12.2018. godine)

1.	P	Na koji način naša firma može dokazati/prikazati Vama da nismo u bankrotu, osuđeni za krivično djelo, da nemamo profesionalne prekršaje, da smo ispunili sve obaveze prema institucijama države, da nismo u sukobu interesa, da nismo bili korisnici u Challenge 2 , te ostala dokumentacija, što je uslov za učestvovanje u ovom pozivu?
	O	Poštovani, prilikom apliciranja se popunjavaju svi relevantni podaci vezani za poslovni subjekt i dostavljaju se traženi obrasci. Smatra se da aplikanti daju izjave odgovorno i savjesno, a ostale tražene potvrde, uvjerenja i drugu dokumentaciju, dostavljaju aplikanti koji uđu u proces ugovaranja (odnosno za koje bude izvjesno da će biti korisnici sredstava). Ukoliko se pokaže da je subjekt prilikom apliciranja dao lažne informacije ili da se nalazi u nekoj od prethodno navedenih kategorija, sa tim poslovnim subjektom neće biti zaključen Ugovor o korištenju sredstava.
2.	P	Da li kao pravno lice koje želi unaprijediti svoju proizvodnju tj. nabaviti nove mašine za proizvodnju (nove ili polovne) možemo učestvovati u Javnom pozivu? Naime, mi smo firma koja zapošljava 35 ljudi, egzistiramo već 8 godina, a primarno se bavimo proizvodnjom za automobilsku industriju, gdje proizvode plasiramo na tržište EU. U narednom periodu imamo potrebu za kupovinom dodatne opreme (mašine za brizganje i sl.) što će samim tim dovesti i do potrebe za povećanjem broja zaposlenih. Molim Vas da mi na osnovu prethodno navedenog odgovorite, da li možemo aplicirati na Javni poziv.
	O	Poštovani, prema Vodiču za aplikante, strana 3, pasus 4. Prihvatljivost aplikanta i partnera na Projektu, definisano je da su prihvatljivi aplikanti poslovni subjekti koji registrovanu poslovnu djelatnost obavljaju najmanje 6 mjeseci od trenutka registracije do trenutka objave javnog poziva, te shodno tom kriteriju je Vaš subjekt prihvatljiv kao aplikant.
3.	P	Poštovani, Prilikom upisa u profil pravnog lica na Vašoj aplikaciji zahtjeva se poreski broj koji mi kao udruženje nemamo budući da nismo unutar PDV-sistema. Da li možemo aplicirati sa ID Brojem ili ne možemo ako nismo u sistemu PDV-a.
	O	Poštovani, prihvatljivi aplikanti mogu biti i subjekti koji nisu u sistemu PDV-a. Međutim, poziv nije usmjeren prema neprofitnim poslovnim subjektima ili udruženjima (Vodič za aplikante, strana 3, pasus 4 . Prihvatljivost aplikanta i partnera na Projektu).
4.	P	Na web stranici stoji sljedeće: " Aplikanti moraju obezbjediti minimalno vlastito učešće od 50% ukupne vrijednosti predloženog projekta." U uputstvu za aplikante (na str. 2 ) to nije slučaj (pogledati primjer). Moje pitanje je: Da li aplikant (u ovom slučaju zrelo preduzeće), bez obzira na iznos, koji mu je potreban za realizaciju projekta, bilo to 20.000,00 EUR, 50.000,00 EUR ili 60.000,00 EUR, mora imati vlastito učešće od 50%, ili samo mora imati vlastito učešće da bi nadomjestio razliku, ukoliko vrijednost projekta aplikanta premašuje cifru od 60.000,00 EUR?
	O	Poštovani, u Vodiču za aplikante, strana 2, Finansijski aspekt C2C fonda, <b>maksimalni iznosi</b> dostupni za aplikante od strane C2C fonda su:

		<ul style="list-style-type: none"> <li>- 10.000 EUR za start-up</li> <li>- 30.000 ERU za zrele poslovne subjekte.</li> </ul> <p>Iznad ovog iznosa nije moguće dobiti veće finansiranje od strane fonda. Istovremeno, učešće od strane C2C fonda ne može biti veće od 50% vrijednosti projekta. Dakle, ukoliko vrijednost projekta premašuje iznos od 60.000 EUR, od strane C2C fonda se ne može dobiti veće finansiranje od predviđenog, a razliku sredstava obezbjeđuje aplikant.</p>
5.	P	Poštovani, Kako da ispunimo polje "2 VLASNIK PRIVREDNOG SUBJEKTA" s obzirom da je predviđeno da upišemo jedno ime, a struktura vlasništva naše kompanije je da imamo tri osobe sa jednakim udjelom po 33,3%.
	O	Poštovani, u polje koje se odnosi na vlasnika, navesti jednog od suvlasnika, ukoliko se radi o jednakim vlasničkim udjelima, a ukoliko su udjeli različiti, upisati većinskog vlasnika.
6.	P	Postovani, U dokumentu javnog poziva za dostavu projektnih prijedloga "Aplikaciona forma", na stranici 2, polje "broj uposlenika kompanije" imamo dilemu da li upisujemo samo broj stalno zaposlenih uposlenika sa zasnovanim radnim odnosom ili i saradnika koji rade na ugovor o djelu. Naime, praksa novinsko-izdavačkih kuća je da angažuju novinare-saradnike i druge neophodne za proces proizvodnje ali ne po principu zasnivanja radnog odnosa, pa nas zanima da li da navedemo ukupan broj angažovanih.
	O	Poštovani, potrebno je prezentovati broj stalno zaposlenih u kompaniji.
7.	P	Zanima nas da li može spadati projekat u koji smo već dosta investirali, međutim zbog nedostatka sredstava ne možemo završiti? Da li bi mogli s takvim projektom aplicirati? Ili mora sve biti poslije datuma Ugovora, ukoliko dodje do njega?
	O	Poštovani, u skladu sa Vodičem za aplikante, strana 6, pasus 5. Prihvatljivi i neprihvatljivi troškovi, definisano je da su prihvatljivi samo oni troškovi koji su nastali u periodu implementacije projektne ideje, odnosno nakon potpisivanja Ugovora.
8.	P	Zainteresovana sam da apliciram na ovaj projektni prijedlog, kao komercijalno poljoprivredno gazdinstvo, ali nisam sigurna da li mogu samostalno, jer nemamo registrovanu Poljoprivrednu zadrugu, nego poljoprivredno gazdinstvo.
	O	Poštovana, komercijalna poljoprivredna gazdinstva su prihvatljiv aplikant i mogu samostalno podnijeti projektni prijedlog.
9.	P	Molim vas za odgovor na pitanje ispod: Započeli sa pripremanjem za nabavku mašine koja košta 350 000€ - uradili analizu tržišta, prikupili ponude, odabrali proizvođača, uplatili avans u iznosu od 30% za početak proizvodnje ( dostava mašine je minimalno 6 mjeseci od momenta uplate avansa ). 20% trebamo uplatiti pred samu dostavu i 50% nakon isporuke i stavljanje mašine u funkciju. Isporuka mašine je krajem aprila 2019. godine. Da li kroz projekat možemo aplicirati za sufinansiranje ovih 50% koji ćemo uplatiti nakon dostave mašine? Naravno u sklopu projekta bismo naveli sve faze koje su već odrađene.
	O	Avansne uplate prije potpisivanja ugovora nisu prihvatljive. To znači da je implementacija projekta već krenula. Stoga, navedena uplata od 30% nije prihvatljiva. Generalno, nije prihvatljivo započeti proceduru nabavke prema pravilima C2C programa, prije potpisivanja ugovora, jer dokumentacija pravedanja procedure je već sada van predviđenog perioda implementacije, čak i kada bi aplikacija bila prihvaćena za grantovanje.

10.	P	<p>Imam svoj kamion, vršim unutrašnji i međunarodni transport, sa kojim uopste nisam zadovoljan, jer je sve skupo, amortizacija, gorivo, porezi, i velike kompanije uništiše nas male. Medjutim ove godine sam pokrenuo jedan poslovni poduhvat u kojem bi napravio svoju zanatsku radnju na zemljištu koje posjedujem u Modriči 1\1. Uradio sam Stručno mišljenje i UT uslove, i sad dolazi na red projekat i lokacijki uslovi. I na tome sam stao, jer nemam uslove za sve ostalo, a da prodam kamion i ulozim novac u to, ne bi mogao sve uraditi i završiti, a sa druge strane bi ostao bez kamiona i bez trenutnog posla a to nisam uradio. S tim da imam na tom svom zemljištu sve uplanjeno, imam sve dozvole, za gradnju i poslovne i stambene jedinice, a to mi je dobro došlo zbog dodatnih troškova. E sad me interesuje, kako se mogu prijaviti kod vas za ulazak u proces, kakva je procedura, ide li se na predavanja, ili ima li kakav kontakt broj da mi neko dodatno objasni proceduru ovog projekta.!?</p>
	O	<p>Poštovani, molimo Vas da preuzmete Aplikacioni paket, u kojem se nalaze svi vodiči i instrukcije za proces podnošenja prijava. Aplikacioni paket možete preuzeti na stranici: <a href="http://www.c2c.ba">www.c2c.ba</a></p>
11.	P	<p>1. Vezano za kriterije prihvatljivosti partnera nije najjasnije da li partneri moraju ispunjavati iste kriterije kao aplikanti konkretno da li partneri mogu biti Velika poduzeće i/ili Javna poduzeće, poduzeća sa državnim udjelom vlasništva?</p> <p>2. Da li troškovi koji nisu prihvatljivi za financiranje kroz Challenge fond kao što su carine, PDV i režijski troškovi mogu da se prikažu kao sufinansiranje aplikanta ili partnera?</p>
	O	<p>Poštovani, u Vodiču za aplikante, strana 4, pasus 4.2. Definicija i prihvatljivost partnera na projektu, definisano je da partneri na projektu moraju ispunjavati iste uslove kao i aplikant. Troškovi koji nisu prihvatljivi za sufinansiranje nisu predmet tretiranja od strane Projekta ni kao prihvatljiv trošak, ni kao sopstveno učešće.</p> <p>Ne može se vlastito pokrivanje navedenih neprihvatljivih troškova prikazati ni kao sufinansiranje jer to je sastavni dio ukupne projektne investicije. Naime, neprihvatljiv udio investicije u ovaj trošak bi se uključio u obračun procenta učešća aplikanta što povlači neprihvatljivo rangiranje aplikanta, tj. ostale aplikante postavlja u nepovoljan položaj.</p>
12.	P	<p>Poštovani želim da Vas pitam vezano za treći poziv C2C projekta. Da li se sredstva iz fonda finansiraju aplikantu retroaktivno ako je u pitanju restauracija poslovnog prostora koja je već izvršena početkom tekuće godine u kome se sprovodi usluga koja će biti predmet finansiranja? Da li se u troškove mogu uvrstiti troškovi zakupa poslovnog prostora koji se mogu dokazati ugovorom o zakupu? Hvala.</p>
	O	<p>Poštovani, u skladu sa Vodičem za aplikante, strana 6, pasus 5 Prihvatljivi i neprihvatljivi troškovi, definisano je da su prihvatljivi samo oni troškovi koji su nastali u periodu implementacije projektne ideje.</p>
13.	P	<p>Imamo par pitanja i molimo Vaš odgovor ili komentar:</p> <p>1. Da li se aplikacija mora popuniti na engleskom ili može i na BHS jeziku?</p> <p>2. Da li je moguće kroz ovaj grant dobiti laptopove za nastavu u vrtićima, jer su oni neophodni za nastavni proces, pošto omogućavaju da ta nastava bude atraktivna, puna audio i vizuelnih stimulansa, koji su izuzetno važni za učenje dece vrtićkog uzrasta?</p>

		<p>3. Da li je poznato kada će biti otvoren naredni poziv, bar okvirno, jer se bojimo da nemamo dovoljno vremena da se za ovaj poziv kvalitetno pripremimo?</p> <p>4. Da li postoji ikakva mogućnost da se plate angažovanih u ovom projektu budžetiraju na način propisan u C2C pravilniku, jer usluga koja se pruža ne naplaćuje?</p>
	<b>O</b>	<p>Poštovani:</p> <ol style="list-style-type: none"> <li>1. Aplikacija se popunjava ili na engleskom ili BHS jeziku,</li> <li>2. Prema Vodiču za aplikante, strana 5 i 6, pasus 5.3. Vrsta/tip aktivnosti, definisano je da nabavka računarske opreme može biti prihvatljiva aktivnost ukoliko je to neophodno za realizaciju inovativne poslovne ideje,</li> <li>3. Naredni poziv se očekuje na proljeće 2019. godine,</li> <li>4. Plate angažovanih na realizaciji projektne ideje su prihvatljiv trošak.</li> </ol>
<b>14.</b>	<b>P</b>	<p>Zelim da apliciram na Vaš javni poziv međutim vi trazite finansijski pokazatelj za predhodnu i posljednu godinu, ja kao pausalac nemam kasu i nemam ta stanja kako ja mogu dokazati svoje poslovanje s obzirom da poslujem preko dvije godine i nisam duzna zakonom raditi polog pazara niti voditi knjige. Nas dvije smo zaposlene i uplacujem svoje doprinose( budzetu ) i kolegici platu i doprinose i svaki mjesec u banku uplacujemo 850 KM. ?</p>
	<b>O</b>	<p>Poštovana, kako niste definisali oblik registracije, nismo u mogućnosti odgovoriti na vaše pitanje. Međutim, potrebno je definisati zakonom definisani oblik prihoda od djelatnosti po bilo kojem osnovu (presjek stanja, potvrda poreske ili dostaviti izvod iz finansijskih evidencija).</p>
<b>15.</b>	<b>P</b>	<p>Molim povratnu informaciju, a vezano za nedavno raspisan poziv C2C, da li može samostalni preduzetnik koji se bavi uslužnom djelatnošću pružanja smjestaja, a start up (osnovan u toku godine) aplicirati?</p> <p>Ako može, da li je dovoljan dokument Pregleda prihoda i rashoda, obzirom da u skladu sa BH regulativom, samostalni preduzetnici nisu u obavezi praviti Bilanse stanja i uspjeha.</p>
	<b>O</b>	<p>Poštovani, prema Vodiču za aplikante, strana 3, pasus 4. Prihvatljivost aplikanta i partnera na projektu, prihvatljivi su aplikanti koji registrovanu poslovnu djelatnost obavljaju najmanje 6 mjeseci od trenutka registracije do trenutka objave javnog poziva. U pogledu pokazatelja poslovanja, dovoljno je dokumentovati Pregled prihoda i rashoda.</p>
<b>16.</b>	<b>P</b>	<p>Mi pripadamo konditorskoj inudstriji i imamo više proizvodnih linija, odnosno proizvodimo različite vrste proizvoda na svakoj.</p> <p>Sada nas zanima da li se u okviru projektnog prijedloga mogu uključiti dvije stavke, odnosno dva unaprjeđenja:</p> <ol style="list-style-type: none"> <li>1. Nabavka nove tehnološke opreme u jednoj proizvodnoj liniji u svrhu povećanja kvalitete gotovog proizvoda, povećanje proizvodnih kapaciteta i smanjenja otpada teotvaranjem novih radna mjesta (koja bi osigurali nabavkom opreme);</li> <li>2. U drugoj proizvodnoj liniji bi nabavili opremu (separator) koji direktno ne uključuje otvaranje novih radnih mjesta ali ima velike pozitivne učinke na okoliš, smanjenje potrošnje pitke vode, smanjenje količine otpadnih voda i mogućnost prerade nusproizvoda u gotov proizvod što sada nemamo.</li> </ol>

		Ako u projektni prijedlog ne možemo uključiti obje stavke tada ćemo se okrenuti ka jednoj prilikom sastavljanja projekta.
	<b>O</b>	Poštovani, prema smjernicama i Vodiču za aplikante, u okviru jednog poziva možete aplicirati sa jednim projektnim prijedlogom, koji može obuhvatati više različitih tematskih oblasti, pa shodno tome prihvatljivo je da konkurišete sa različitim oblastima, sve dok se one nalaze unutar jednog projektnog prijedloga.
<b>17.</b>	<b>P</b>	Poštovani, naš Pčelinjak je registrovan kao gazdinstvo ali ne komercionalno da li mi kao takvo gazdinstvo možemo da apliciramo na Vaš program?
	<b>O</b>	Poštovani, prihvatljiva na ovom Pozivu prihvatljiva su komercijalna poljoprivredna gazdinstva, kao i drugi oblici poslovne registracije shodno Vodiču za aplikante, strana 3, pasus 4. Prihvatljivost aplikanata i partnera na projektu.
<b>18.</b>	<b>P</b>	Da li se sredstva iz fonda finansiraju aplikantu retroaktivno ako je u pitanju restauracija poslovnog prostora koja je već izvršena početkom tekuće godine u kome se sprovodi usluga koja će biti predmet finansiranja? Da li se u troškove mogu uvrstiti troškovi zakupa poslovnog prostora koji se mogu dokazati ugovorom o zakupu?
	<b>O</b>	Poštovani, u skladu sa Vodičem za aplikante, strana 6, pasus 5 Prihvatljivi i neprihvatljivi troškovi, definisano je da su prihvatljivi samo oni troškovi koji su nastali u periodu implementacije projektne ideje.
<b>19.</b>	<b>P</b>	Poštovani, interesuje nas da li sportski klubovi koji su registrovani kao udruženja mogu da se prijave na 3 poziv koji ste objavili i prezentovali u Bijeljini.
	<b>O</b>	Poštovani, prema Vodiču za aplikante, strana 3, pasus 4. Prihvatljivost aplikanata i partnera na projektu, definisano je da aplikanti i subjekti moraju biti profitno orjentisani.
<b>20.</b>	<b>P</b>	Pošto sam ja STR i mi nemamo bilans uspjeha i stanja šta da unesemo u ta polja i šta da vam dostavimo kao prilog. Mi smo obvezni napraviti obrazac SPR-1053 za utvrđivanje prihoda i rashoda odnosno dobiti.
	<b>O</b>	Poštovani, podatke unosite iz navedenih obrazaca, definisano normativnim i zakonskim okvirom za ovu oblast.
<b>21.</b>	<b>P</b>	Poštovani ,da li ja kao samostalni preduzetnik mogu konkurisati za grant sredstva iz Vašeg fonda?
	<b>O</b>	Poštovani, prema Vodiču za aplikante, strana 3, pasus 4. Prihvatljivost aplikanata i partnera na projektu, definisano je da su samostalni preduzetnici prihvatljivi aplikanti, ukoliko obavljaju registrovanu djelatnost najmanje 6 mjeseci od trenutka registracije do objave javnog poziva.
<b>22.</b>	<b>P</b>	U razmatranju eventualne prijave projekta za finansiranje iz Challenge to Change fonda, molim Vas da mi odgovorite na sljedeće pitanje:

		S obzirom na to da troškovi koji se ne mogu financirati iz C2C fonda su između ostalih <b>režijski troškovi u proizvodnom procesu (voda, struja, grijanje, internet ili slično)</b> , da li troškovi zakupa poslovnog prostora ulaze u ovu kategoriju ili su oni prihvatljivi?
	<b>O</b>	Nije prihvatljiv zakup poslovnog prostora pošto je režijski trošak.
<b>23.</b>	<b>P</b>	Mi smo registrirani kao zadruga i želimo se prijaviti na Poziv. Imamo nejasnoću vezano za popunjavanje podataka o vlasniku poduzeća. Vlasnici naše zadruge su pet osoba, od kojih četiri fizičke i jedna pravna osoba, odnosno udruga. Molim Vas, da nam pojasnite kako postupiti jer u tom odjeljku se traži ime i prezime jednog vlasnika.
	<b>O</b>	Poštovana, ukoliko se radi o većem broju vlasnika, molimo da unesete podatke većinskog vlasnika.
<b>24.</b>	<b>P</b>	Želio bih da apliciram na c2c, pošto se radi o obrtu koji posluje sezonski od dana osnivanja do sada 14 mjeseci u uputstvima piše da nije potrebno pisati bilans stanja i bilans uspjeha, samo da treba napraviti presjek poslovanja.  Pa me zanima da li treba napraviti presjek poslovanja za bilans stanja i bilans uspjeha ili da zanemarim bilans stanja i bilans uspjeha i ispunim samo jedan dokument presjek poslovanja za taj period?
	<b>O</b>	Poštovani, ukoliko za prethodni period poslovanja imate navedenu evidenciju (bilans stanja i bilans uspjeha (za 2016 ili 2017 godinu), potrebno je da te podatke uvrstite u aplikaciju.
<b>25.</b>	<b>P</b>	Poštovani, obraćam se u ime poljoprivredne zadruge koja se bavi proizvodnjom i preradom voća dugi niz godina. Zadruga u protekle dvije godine nije poslovala zbog toga što nije imala sirovinu (proizvodnja voća bila minimalna usljed nepovoljnih vremenskih uslova). Da li je moguće da i pored toga Zadruga aplicira na projekt?
	<b>O</b>	Bitna je registracija privrednog subjekta.
<b>26.</b>	<b>P</b>	Poštovani, da li su aplikanti sa statusom javnog preduzeća (u oblasti kreativne industrije, IT i turizma) prihvatljivi za projekat Challenge To Change?
	<b>O</b>	Poštovani, prema Vodiču za aplikante, strana 3, pasus 4. Prihvatljivost aplikanta i partnera na projektu, su definisani kriteriji prihvatljivosti aplikanta i partnera na projektu. Istovremeno, na stranama 5 i 6, su definisane prihvatljive i neprihvatljive aktivnosti. Shodno ovim kriterijima, javne ustanove ili javna preduzeća nisu prihvatljiv aplikant na ovom pozivu.